



Navn Navnesen
Navne Navnesensveien 10
1122 Oslo

Dáhton

Bovdehus čoallescreenemii

Duo mii sáddiimet dutnje dieđuid čoallescreenenprográmma birra. Čoalleborasdávda lea okta dain dábáleamos borasdávddain Norggas. Screenen sáhttá fuomášit čoalleborasdávdda árra dásis ovdal go dat du givssidišgohtá. Dat buorida vejolašvuoda ceavzit dávddas.

Don searvvat go sáddet earán mas iská leago baikkas varra.

Oktan dáinna reivviin oaččut

- geavahančilgehusa
- iskkusbohcci
- čohkkenbáhpára
- busseža
- máhcahankonvoluhta

Geavahančilgehus sáddejuvvo dárogillii, muhto don gávnnat dan sámegillii dás: tarmscreening.no.

Čoallescreenenprográmma lea almmolaš dearvvašvuodafálaldat, ja dasa lea eaktodáhtolaš searvat. Čoallescreenema buriid ja heajos beliid birra sáhtát lohkat min neahttasiidduin ja diehtočállosis maid leat sádden dutnje duo. Oainnat buot reivviid ja diehtočállosiid čoallescreenenprográmma neahttasiiddus: tarmscreening.no.

Ustitlaš dearvvuodaiguin

Čoallescreenenprográmma



Mo searvat?

- Go midjiide sáddet earániskosa iskkusbohccis mii čuovvu, de leat mielde screenenprográmmas. Geavahančilgehusas mitaluvvo mo dan dagat.
- **Dehálaš lea ahte dárkkistat** iskkusbohcci mii lea mielde. Dasa galgá du namma ja riegádanbeaivi leat deaddiluvvon.
- Jus eat leat ožžon iskosa 6 vahku siste, de sáddestat dutnje muittuhusa.



Mii geavvá manñil go iskkus lea sáddejuvvon?

- **Dutnje boahotá vástádus du** iskosa birra 4 vahku siste beroškeahhtá bohtosis.
- Jus iskkus ii čájjet ahte dus lea varra badjel rádjáárvvu, de sáddestat dutnje **fas bovdehusa guovvtti jagi geahčen**. Dutnje sáddejuvvo ođđa iskkusgihpu juohke nuppi jagi, oktii buot viđa geardde. Dutnje eai šat boađe bovdehusat manñil go deavddát 65 jagi.
- Jus iskkus čájeha ahte earánis lea varra, de fállujuvvo dutnje **koloskopijaiskkus** buohcceviesus.



Gii ii berrešii searvat?

Jus leat juo dárkkistanhoiddus koloskopijain ovdamearkka dihtii borasdávdda, polyhpaid dahje inflammatoralaš čolledávdda dihte, de it dárbbas searvat Čoallescreenenprográmmii.

Jus dus leaš duođalaš guhkálmas čolledávda, de sáhttet heajos bealit leat stuorát go ávkin dasa searvat. Jus leaččat eahpesihkar dasa ahte guoská go dát dutnje, de berrešit doaktáriinnát ságastallat.



Dieđut maid čohkket

Borasregisttar registrere persovdnadieđuid olbmuid birra geat servet Čoallescreenenprográmmii láhkaásahusa mielde borasdávdaregistrerema birra. Dieđut adnojit earret eará bovdehusaid plánemii ja sáddemii, ja kvalitehtasihkkarastimii, árvvoštallamii ja dutkamii.

Dus lea vuoigatvuohta várret dan vuostá ahte persovdnadieđut du birra mat leat laktásan Čoallescreeningprográmma iskkademiide registrerejuvvojit bissovaččat Borasregisttar negatiivva gávdnosiin. Persovdnadiehtun oaivilduvvo namma, riegádanummár, čujuhus, ássangiella, siviilaseahtu ja riegádangiella dahje riegádanriika. Dieđuid du vuoigatvuođaid birra ja mo sáhtát várret iežat, oainnát min neahttsiidduin **tarmscreening.no**.



Olu dát máksá?

Earániskkus ii mávsse dutnje maidege. Jus oaččut koloskopijaiskkadeapmái fáldadaga iskkusvástádusa geažil, de gustomit iežasoasi, friddjakoartta ja divššohasmátkkiid ortnegat.

Itgo áiggo searvat?

Ieš don mearridat áiggutgo screenenprográmmas leat mielde vai it. Goas dal dáhtozat sáhtát bissehit Čoallescreenenprográmma bivdagiid. Loga eanet min neahttsiidduin.



Leatgo gažaldagat?

Neahttsiiddus **tarmscreening.no** oainnát eanet dieđuid screenema ja čolleborasdávdda birra. Sáhtát maiddái čuojahit deike Kreftregisteret tlf. 22 45 13 00 (09:30–11:30).

